



是以天地有司過之神。依人所犯輕重。以奪人算。

箋註自此至算盡則死爲一節。言人之一生。日夜

時刻。上下四旁。皆有鬼神鑒察也。算謂壽數。及享  
用福澤之類。奪謂除去也。犯輕者奪算亦輕。犯重  
者奪算亦重。昔趙業被攝至較勘之所。見冥吏呈  
生人錄。首列姓名。後橫列六十甲子日辰。其日功  
過皆書其下。功則延年增福。過則減算加禍。分毫  
不爽。業還陽世述之。悉如諸經所言。華嚴經亦云。  
人生各有二天人隨之。一曰同生。一曰同名。天人  
常見。人人不見。天人所謂善惡二部童子是也。人  
但舉意發言動步。常念此二天人。自然善多惡少  
矣。

太上感應篇圖說

是以天地

丑一

引經曾子曰。十目所視。十手所指。其嚴乎。詩曰。上  
帝臨汝。日鑒在茲。書曰。作不善降之百殃。

附論世人卽不信有報應。而未嘗不信有鬼神。苟  
存一不良之心。人未及知。而鬼神已知之。行一不  
良之事。人未及見。而鬼神已見之。出一不良之言。  
人未及怒。而鬼神已怒之。乃較其過。犯定其罪案。  
銖兩悉稱。可不寒心哉。



太上感應篇圖說  
是以天地

丑二

宋光孝安禪師住清泰寺定中見二僧倚欄相語初  
有天神擁護傾聽久之散去俄而惡鬼唾罵仍掃腳  
跡及問其故乃二僧初論佛法次敘間闊未談利養  
也。

附斷夫談及世事尚被鬼嗔神責况造作污穢之書  
流傳淫褻之語其為鬼神嗔責又何如乎。

太上感應篇圖說

是以天地

丑三



崇德縣人談經貝瓊友善。洪武八年秋闈放還。泛舟西湖。談忽吟曰。挾策龍頭數載遊。于今始悔覓封侯。年華流盡惟湖水。自古英雄幾到頭。又曰。袖刺無投世路艱。功名塵裏老人顏。岳墳試與孤山傲。仗劍何如放鶴閒。未幾談病歿。久之。貝以事寓于硤石紫雲山麓。雨後散步。忽聞呵聲。如官府至。貝避道左。視專車者談生也。談卽下輿。屏騶從。攜貝手。步至葛洪井邊。坐而道故。貝叩所以致此之由。談曰。上帝嘉吾心行。簡爲督巡都統使君。秩上城隍一級。一州善惡皆屬廉訪。貝曰。素聞冥法森嚴。今以州人萬狀。責于君

太上感應篇圖說

是天地

丑四

之一人。用何術以周之。曰。陰律甚嚴。然豈人誅而家罪耶。其有大惡著聞者。固卽與衆棄之。他如虧折欺罔等事。則五祀之神。月奏于天帝。遊巡之役。時報于監司。論法原情。禍如其罪。或勅雷部。或下火部。或付水府。或發瘟司。至於微疵小過。則亦寬之而已。又有冀其悔悟者。有俟其惡積者。有姑縱其身。禍其子孫者。彼蒼用意之巧。在進退遲速之間。錯綜顛倒。以御凡情。此其所以爲天也。言訖不見。

附斷。由此觀之。人可不戰兢惕勵。獨行畏影。獨寢畏衾。而思所以受天之祐哉。

算減則貧耗。多逢憂患。

箋註自此至算盡則死。皆實言奪算之事。以明感應之定理。貧是無財。耗是家破。憂出於己。患生於外。多逢言不善之人。貧耗憂患接踵而至也。

引經洪範曰。威用六極。一曰凶短折。二曰疾。三曰

憂。四曰貧。五曰惡。六曰弱。論語曰。小人長戚戚。附論青帝之詞曰。行善如春園之草。不見其長。日有所增。行惡如磨刀之石。不見其損。日有所虧。文昌化書曰。修身勵行者。天必降之百祥。反道敗德者。神亦奪其五福。故知福善禍淫。造化一定之理。

太上感應篇圖說

算減則貧耗

丑五



奉符縣令錢若愚早歲補官，奸險過甚。晚年困阨，子女淪喪，衣食無措，因投詞龍虎山叩頭祈禱。夕夢一神謂曰：汝以罪惡奪算至此，尚苦貧耗乎？未幾果死。附斷此貧耗之報也。夫人顧可輕于天怒，使所賦之祿至於得而復失哉。

太上感應篇圖說

鐘臧則貧耗

丑六

人皆惡之

箋註惡者爲人所厭棄也。玉樞經云。人若不修善業。天必爲之斬神除魄。人所厭惡。人所嫌害。今但恨人之欺我。豈知乃天奪我鑑。令不逢世乎。  
引經論語曰。屢憎於人。詩曰。投畀豺虎。豺虎不食。投畀有北。有北不受。投畀有昊。

太上感應篇圖說

人皆惡之

五七



劉甲凡與人交必有奇禍王建不信與之談論未及終日建遂失火人因目爲鴆鵠或遇諸途無不急走遠避惟恐不速

附斷以此觀之夫蛇蝎遇人而人必殺之者惡之也人而爲人所惡將何以立於天地之間哉

太上感應篇圖說

人皆惡之

丑八

人而爲人惡惡報何以立於天地之間哉

附斷以此觀之夫蛇蝎遇人而人必殺之者惡之也

惡報則怨不愆

孫日數殺夫火人因目爲鴆鵠或遇諸途無不急走

廣甲凡與人交必有奇禍王建不信與之談論未及

刑禍隨之


箋註刑是官法。禍是天殃。隨者。跟定不離之意。諺云。人非欺心。不遭官刑。人無隱過。不遭橫禍。彼奪算之人。能免此乎。

引經大學曰。菑必逮夫身。易曰。小人以小善為無益而弗為也。以小惡為無傷而弗去也。故惡積而不可掩。罪大而不可解。

太上感應篇圖說

刑禍隨之

丑九



漢梁統上言。乞增重法律。當時不從其議。後統忽夢  
神人告曰。雖幸朝廷不從爾言。陰府已錄爾過。爾今  
欲以刑毒人。將來爾子孫皆被刑死。獲罪於天。無所  
禱也。後統二子皆以非命死。至冀竟滅族。  
附斷。夫梁氏增刑。議雖未決。而舉念已墮惡業。是以  
陽誅陰譴。禍及子孫。今人舉念。可不慎哉。

太上感應篇圖說

刑禍隨之


五十一

吉慶避之

箋註惠迪乃吉積善斯慶一經減算便是有罪之人福德淺薄吉化爲凶慶化爲禍若或避之也引經書曰故天棄我不有康食

太上感應篇圖說 吉慶避之

五十一



憲宗時。鄞人趙涓樓得達二人。皆以棋知名。得入供奉。上命二人對奕。每以金盒貯賞銀。一錠勝者受之。樓每不勝。私謂涓曰。吾等以棋取上寵。今君累勝。名已著矣。若累敗不一復。且將獲罪。計盒中賞銀。不過三兩。今願奉此爲壽。乞詐敗如何。涓許之。明日對局。涓詐敗。樓叩頭謝賞。啓盒中。乃補錦衣百戶。空名御札。及一牙牌也。帝初欲官涓。涓旣不得。帝歎曰。孰謂天子能造命哉。

附斷此官祿避之也。夫天子非不能造命也。限於人耳。而人則可以自造其命乎。曰。改過遷善而已。

惡星災之

箋註聖人在上。景星含暉。賢人所居。奎躔呈瑞。此善氣之相感也。若吉慶既避。則必有惡星爲災。京房曰。星者陰陽之精。萬物之體。五行之形。其光照下。精曜在天。吉凶有兆。明暗非虛。善惡始乎人事。災祥應乎天文。感通甚微。罔不昭著。世人不明此義。而徒仗師巫禳解。何不察之甚乎。

引經詩曰。日月告凶。不用其行。燿燿震電。不甯不令。書曰。狂恆雨若。僭恆暘若。豫恆燠若。急恆寒若。蒙恆風若。

太上感應篇圖說

惡星災之

丑三



齊有彗星景公坐柏臺而泣晏子問之公曰寡人間之彗星出所向之國君當之今彗向吾國是以悲晏子曰君之行事殆亦無德於國穿陂池則欲其深以廣也爲臺榭則欲其高且大也賦斂如攘奪誅戮如仇讐自臣觀之孛之將出彗星庸何懼乎公欲使人禳之晏子曰無益也天道不詭不二其命若之何禳之使神可祝而來亦可禳而去也百姓苦怨以萬數君令一人禳之安能勝衆口乎公欲禳災莫如脩德附斷古所云修德以勝災者此類是也

太上感應篇圖說

惡星災之

丑十四

算盡則死

箋註此句是苦口垂誠之詞。見得減奪不已。畢竟早到此地步。真可哀也。亦可懼也。昔有一老人。死見閻王。咎王不早通信。王曰。汝目漸昏。一信也。汝耳漸聾。二信也。汝齒漸損。三信也。汝百體日衰。信不知其幾也。頃一少年至。亦咎王曰。吾目明耳聰。齒利百體健強。王何不以信及我。王曰。亦有信及君。汝不見東鄰有三四十而亡者乎。西鄰有一二十而亡者乎。更有週歲與孩提而亡者乎。皆信也。所以言人命無常。譬如朝露。一息不來。便同灰壤。

太上感應篇圖說

算盡則死

丑五


引經論語曰。獲罪于天。無所禱也。易曰。既辱且危。死期將至。書曰。天作孽。猶可違。自作孽。不可道。

附論中誠經曰。人有違犯。皆被本命星君。奏聞上帝。先令司命奪其紀算。授以災殃。則人之犯此。而至於死者。豈偶然哉。必其作諸不善。奪算至盡。故耳。惜人不悟也。



太上感應篇圖說

真靈即死



丑十六



Vertical columns of text, likely bleed-through from the reverse side of the page. The text is faint and difficult to read, but appears to be a continuation of the text from the other side of the paper.

李登年十八。魁鄉薦。自謂狀元不難。後竟沮滯十餘年。因詣葉靜法師。問終身事。師爲登上章。適天門未開。見諸判官皆森列門外。師以登事叩之。曰。李登初生。上帝賜以玉印。年十八魁鄉薦。十九作狀元。五十三作右相。緣魁薦時。窺一鄰女。事雖未諧。而繫其父于獄。坐此降爲第二甲第二十九人。繼又橫侵其兄屋基。坐此降爲第三甲第三十八人。後又長安邸中。淫一美婦。懼其夫知。先陷以罪。坐此削其祿籍。今又挑一室女。爲惡不悛。已除壽算。何望登第。師還。悉以告之。登大慚沮。愧恨而死。

太上感應篇圖說

算盡則死

丑七

附斷此所謂桔之反覆者也。父祖積德多年。方得狀元宰相。乃現身戕害如此。辜負天恩。辜負祖考矣。且其歡樂聲勢。視甲第萬不及一。而竟以橫入少少許。喪安享多多許哉。

又有三台北斗神君在人頭上錄人罪惡奪其紀算  
箋註此言人之二身行住坐臥皆有鬼神鑒察也  
又有二字言不但如此而已又有可畏者在也三  
台星也上台中台下台每台二星北斗亦星也管  
輅曰南斗注生北斗注死世人不察只知事逐眼  
前過那知算從頭上來

引經中庸曰鬼神之爲德其盛矣乎視之而弗見  
聽之而弗聞體物而不可遺洋洋乎如在其上如  
在其左右

附論今人亦知吉凶禍福鬼神所司故疾病至則

太上感應篇圖說

又有言

丑六

豕羊金楮跪拜抒誠然抒誠於疴羸曷若抒誠於  
強壯患難及則列祀陳儀香帛祈禳然祈禳於顛  
沛曷若祈禳于宴安死亡後則延道飯僧諷經懺  
度然懺度於幽冥曷若懺度於陽世也

補遺

南斗注生北斗注死世人不察只知事逐眼前

台星也上台中台下台每台二星北斗亦星也管

輅曰南斗注生北斗注死世人不察只知事逐眼前

引經中庸曰鬼神之爲德其盛矣乎視之而弗見

聽之而弗聞體物而不可遺洋洋乎如在其上如

太上感應篇圖說

又有三台

丑九



唐婁師德充河源軍使。永和中破番。入戰七捷。優制  
褒美。授左驍衛郎將。高宗手詔曰。卿有文武才幹。故  
授卿武職。勿辭也。累遷納言。一日晨起入朝。忽見星  
官謂曰。汝曾誤殺二命。罪當奪紀。星光將盡矣。其日  
卽神昏。不能入朝。因告侍者曰。我一生謹慎。只因誤  
殺二命。今早死一紀耳。未幾果卒。

附斷此奪紀算之報也。婁公夙稱明恕。爲唐重臣。尙  
不免於削奪。况常人之造惡多端者。

太上感應篇圖說

又有三台

丑三千



桐城方氏以事獲譴。至甯古塔闔門虔懇。頂禮斗姆。兼持誦準提金剛經。所保生還。一夕禮斗次。燈已黑。禮拜起。燈忽自明。又一深夜。室中忽發異香。主者急呼闔眷皆跪。祝曰。此俱望生還者。若得滿願。再求賜香。言訖。異香復發。三祝之三應。旋蒙恩釋。果得生還。

附斷宋王中元家多災晦。往謁張鍊師。問何道禳解。張授以北斗經。至心齋誦。方七日。災晦頓消。後至一字一頂禮。死後三日。又得生還。今之誦北斗真經者。不慮其不應。第患其不誠。若此三祝三應。豈非一誠所感哉。

太上感應篇圖說

又有云

丑三

又有三尸神。在人身中。每到庚申日。輒上詣天曹。言人罪過。

箋註此言人之一心。幾微萌動。皆有鬼神鑒察也。重言又有。見可畏之甚也。上尸清姑。名彭踞。居人首。令人多思欲。眼昏髮落。中尸白姑。名彭躡。居人腸。令人嗜食多忘。好作惡事。下尸血姑。名彭躡。居人足。令人耽色喜殺。肢臟擾動。故修真之人。七守庚申。蓋欲絕三尸也。

引經中庸曰。莫見乎隱。莫顯乎微。故君子慎其獨也。


太上感應篇圖說

又有三尸

丑三

附論清淨經曰。夫人神好清。而心擾之。心好靜。而慾牽之。常能遣其慾。而心自靜。澄其心。而神自清。自然六慾不生。三毒消滅。今人不能清心寡慾。檢身克己。而徒恃道家守庚申之法。為斷絕三尸入告之路。適自欺耳。程子霄詩云。不守庚申更不疑。此心常與道相依。帝天已自知行止。任爾三彭說。是非。此言誠見道者矣。

太上感應篇圖說  
卷之三  
人罪過



太上感應篇圖說  
又有三戶

丑三

京師趙居先。父年九十一。母年九十四。性皆嚴急。居先夫婦侍奉勤謹。孝行克諧。每夕焚香。爲父母祈禱。三尸上奏天帝。遣飛天大神。每日監察。見其心專意一。賜七子三壻。皆列官職。居先身證仙果。

附斷。孝能格天。不獨趙公夫婦爲然也。而乃云三尸奏聞上帝。則異矣哉。蓋三尸喜人作惡。而惡人爲善也。今觀於爲善亦奏。而爲惡者能不凜凜。

太上感應篇圖說

又有三尸

丑三

月晦之日竈神亦然。

箋註此言人之一家動靜居處皆有鬼神鑒察也竈神司一家之命於人朝夕罪惡無微不察也引經禮記月令曰孟夏之月其祀竈祭法曰庶士庶人立一祀或立戶或立竈

太上感應篇圖說  
月晦之日

丑五



嘉靖中江西俞公名都字良臣弱冠遊庠與同學結文昌社惜字放生戒淫殺口過行之有年七戰棘闈不售生五子四天一失去妻以多哭兒女兩目皆盲公貧窘不堪每年臘盡自寫文疏禱於竈神求上達天曹至四十七歲除夜與瞽妻共坐忽有一角巾皂服者相訪曰余知君家事久矣君意惡太重尙務虛名滿紙怨尤瀆陳上帝恐受罰不止此也蓋察君私居獨處時貪念淫念妬嫉念褊急念高已卑人念恩讐報復念種種意惡固結於中神註已多天罰日甚方逃禍之不暇何由祈福哉公驚愕請教角巾皂服

太上感應篇圖說

月晦之日

丑五

者曰君從今後行善須要着實凡有妄想惡念先具猛力一切屏除只理會行善一邊去若力量能行的不圖報不務名不論大小難易耐心去行若力不能行的亦要懇懇勤勤使善意圓滿第一要忍耐心第二要永遠心切不可自悔切不可自欺久久行之自有叵測效驗言畢遂進公竈室忽不見方悟爲司命之神公卽於元旦拜禱天地誓改前非實行善事自利利他無所不勉如是三年季五十歲甲戌首輔張江陵爲子擇師同鄉紳廉交口薦公遂聘至京師公挈眷以行克盡館職張爲公援例入國學中丙子科

北榜舉人丁丑進士。一日偶謁內官楊公。楊令五子出拜。皆覓諸四方爲己嗣者。內有一子年十六者。卽公失去之子也。楊卽送其子隨公還寓。夫人撫子大慟。雙目復開。公悲喜交集。不願爲仕。辭江陵回籍。爲善益力。其子娶婦連生七子。悉嗣書香。公手書遇竈神一事。垂戒子孫。壽至八十有八。

附斷竈神明察如是。職主奏告又如是。世人行事。但知取快一時。豈復問家有竈神記其過犯。每到月盡日。大小皆奏天曹乎。恐懼修省。一刻不敢懈矣。

太上感應篇圖說

月晦之日

丑五



嘉興梅里鄭聯。字萼樓。兄壽昌。字授剛。兩君結褵後。妯娒並不生育。雍正九年秋。聯年三十八。遭兄壽昌病故。聯念宗嗣欲絕。且數世單傳。憂懼成疾。是歲除夕。同妻吳氏。禱于竈神。發願明歲虔刻感應篇。陰隲文。善過格等書印施。以祈子嗣。甫授梓。體覺漸康。雍正十一年孟春。聯年四旬。夜夢一星。光焰四射。聲如裂帛。自天東南流墜中庭。心以爲火災降及也。驚覺有娠。至季秋所刻未竣。已舉二子。鄉里戚族咸異之。

太上感應篇圖說 月晦之日

凡人有過。大則奪紀。小則奪算。

箋註此一節是總結上文之意。以見人之一生。處處皆有鬼神鑒察。大小之過。皆不能掩。而奪紀奪算。確乎其不爽也。十二年爲一紀。百日爲一算。引經中庸曰。傾者覆之。書曰。天難誑。命靡常。

太上感應篇圖說

凡人有過

丑三九



宋符仲信白手起家。年三十五。因病入冥。遇故舊數人。呼曰。恩公何爲至此。相與拜求。一吏吏曰。此人本合饑寒。以好施。故能起家。壽本五十九。以不燒香。睡起遲。今皆削盡。數人曰。此二事皆小過。何至如此。吏曰。不燒香。卽是無敬奉天地之心。睡起晚。卽是有多淫之意。豈爲小過。數人相顧曰。厚德如符公。尙以此減削。人豈可自恣哉。

附斷。人生最難得者在壽。而冥中所默奪者亦在壽。故太上諄諄以紀算爲言。而以大小裁之。所以惕人慎一念之錯。享五福之先也。意綦深矣。

太上感應篇圖說

凡人看過

丑三



天台王璧如大師諱立穀。領萬曆丙午鄉薦。授新淦令。幼受殺盜淫妄四戒。後以居官而廢。戊午入觀舟泊蕪湖。夜夢二人持符攝至一殿。殿有一王二官側坐。王卽呼名叱曰。汝命該盡於丙辰八月。所以延至今者。齋戒力也。汝奈何棄之。語畢。命取簿以示。見名下年月皆有註。至丙辰八月。輒空之。王覽畢。叩首謝曰。居官勢不得不爾。王曰。是固然。奈陽算盡何。命驅入獄。卽有獰狀鬼來。若粹縛之狀。左官立起爲之請曰。試取破戒後事稽之。須臾擡兩大箱至。皆令新淦卷宗也。凡一柬一揭。及平日戲書方寸之紙俱在。皆

太上感應篇圖說

凡人有過

丑三

有氣騰上。有黑色者。有青色者。有赤色。白色者。命各檢一處。先檢黑與青成聚。次檢白聚。次檢赤聚。聚成青者。隱黑者。縮小如箸。而赤聚赫然獨盛。王從傍睨視聚中。見所刻金剛經好生編俱在。聚畢。王者聲少和。顧左官曰。是知植德。尚有生理。損其五官。全其軀命可乎。命獄卒挾去其目。置殿柱上。光炯炯四照。王念目已被挾。安得復有能視者。轉念間。忽然昏暗。宮殿吏卒皆無所睹。第覺有人拍其背曰。速去速去。少頃一跌而寤。次日雙目遂瞽。乃棄家修道。後以禪悟。兩目復開。歷遊雲棲博山之門。真參實証。兼行大悲。

鐵法。再生者又十二年。

附斷人自聖賢而外。無日不在過中。所恃以挽回造化者。唯在能改耳。否則前因既劣。後業復增。卽多福多男到那四大分張時。止見閻王查算之苦。家產可能帶去。否兒女可能替得。否思之思之。

太上感應篇圖說

凡人有過

丑三



消帶去否兒女可消濟野否思之思之

冬畏旺派四大衣叢劫也畏圖至查職之蘇家流可

少音到查頭翅其香原前因到突發業於餘响之願

刑瀾人自聖賢而後無日不在過中須對以

知志再出香又十二

其過大小有數百事。欲求長生者，先須避之。

箋註此亦承上起下之詞。數百事者，卽篇中自非義而動，以及殺龜打蛇等也。前曰減算是教人知所戒。茲曰長生是教人知所慕。先須二字，又起下文。千善百善之義，蓋未立善，先須避過。既避過，更須立善也。今之求長生者，徒恃藏精伏氣，鍊藥燒丹，便謂神仙可遇，不知此皆外道也。惟戒慎恐懼，一切妄念，纔萌卽覺，纔覺卽滅，務令心如明珠，境如止水，自與傷生之道，夭折之機遠矣。

引經孟子曰：夭壽不貳，修身以俟之。書曰：夭壽平

格。又曰：降年有永有不永，非夭天民，民終絕命。

太上感應篇圖說

其過大小

五三


其過大小有數百事。欲求長生者，先須避之。箋註此亦承上起下之詞。數百事者，卽篇中自非義而動，以及殺龜打蛇等也。前曰減算是教人知所戒。茲曰長生是教人知所慕。先須二字，又起下文。千善百善之義，蓋未立善，先須避過。既避過，更須立善也。今之求長生者，徒恃藏精伏氣，鍊藥燒丹，便謂神仙可遇，不知此皆外道也。惟戒慎恐懼，一切妄念，纔萌卽覺，纔覺卽滅，務令心如明珠，境如止水，自與傷生之道，夭折之機遠矣。引經孟子曰：夭壽不貳，修身以俟之。書曰：夭壽平格。又曰：降年有永有不永，非夭天民，民終絕命。



太上感應篇圖說

其過大小

丑三酉



女仙楊正見。登真有日。上帝譴其少時。曾擇父母輸  
稅錢二文匿之。名曰隱藏官物。更謫人間一年。  
附斷匿錢小過耳。尚被譴若是。是當與陶隱居之本  
草。孫真人之良方。皆是濟世活人之心。猶致殺傷物  
命之愆。同類而並觀之也。然則過之大者。其報又何  
如哉。

太上感應篇圖說

其過大小

丑三五

是道則進。非道則退。

箋註此一節是綱。下一段是目。此處特提出一道字。以爲凡人入門之路。不履邪徑以下。是是道之目也。非義而動以下。是非道之目也。道猶路也。順天理合人心。坦平正直。卽是道也。逆天理拂人心。荆棘險巇。卽非道也。退卽上文所謂避也。二則字。有毅然不可忽之意。

引經中庸曰。率性之謂道。修道之謂教。道也者。不可須臾離也。可離非道也。論語曰。誰能出不由戶。何莫由斯道也。

太上感應篇圖說

是道則進

丑美

附論立志之士。口與心誓。口之所敢言。不敢言。心之所欲爲。不欲爲。明明有是非之兩途。何可自昧其進退也。今人試思於二六時中。家衆拂意。可生煩惱否。安居飽煖。可生淫慾否。生計清淡。可生營殖否。道侶離索。可生昏惰否。有一于此。皆足退道心而入非理。不可忽也。故省身者。學之實。知非者。道之進。



太上感應篇圖說

是道即進

丑三

趙清獻公每夜焚香若有所秘祝者人問之公曰吾自少來日有所爲夜必焚香告天上帝蒼蒼冥冥吾安能必達但以深自防檢庶幾知所畏懼不敢出口者不至見之行事耳

附斷夫是非顛倒大抵多由於自欺今行事必告天知則非道尙得進而干之哉學者當以此爲法

太上感應篇圖說

是道則進

丑三

不履邪徑

箋註邪徑者。不正之路也。世界坑穽。在在有之。視聽言動之間。此心稍不自持。卽爲情欲所牽。外物所誘。昔李退夫隱居南嶽。求師不得。忽聞空中彈碁。舉頭視之。見二人奕於樹杪。退夫亟往致敬。方問道間。俄有田婦出旁。不覺反顧。則二奕者已失所在。浮梁縣令張木。疑本縣廟神爲妖。祭之以酒。醉而執之。果一老猿。將戮於市。猿俄醒曰。某死固不問。然數年所積。可以備縣中之缺。木纔問處。則猿已躍身而去。自此百計踪跡。竟不可得矣。嗚呼。

太上感應篇圖說

不履邪徑

五三九

一念之邪。應若桴鼓。其可不慎歟。

引經論語曰。子游曰。有澹臺滅明者。行不由徑。又曰。非禮勿視。非禮勿聽。非禮勿言。非禮勿動。孟子曰。夫義路也。禮門也。惟君子能由是路。出入是門也。

增

太上感應篇圖說

不履邪徑

丑



浙省指揮使延師訓子。師病寒，欲發汗，令其子取被子。以母臥被與之，誤捲母鞋一隻，落師牀下。使來視疾，見鞋，疑妻與通。夜訊妻，妻不服。令婢詭以妻命邀之，已持刀向其後。候門開而殺之。師聞叩門，問何事。婢以主母命召師。師曰：「是何言歟？」明日告主人罪爾。使復強其妻往。師固拒曰：「某蒙東翁相延，豈敢以冥冥墮行哉？」門終不開，使始釋然。謝曰：「先生真君子也。」述事始末，請罪。未幾，師登第，位顯爵。

增

本感應篇圖說

不履邪徑

丑四



道光十七年間。電白水東。有乞者。約三十餘歲。患疝症。腎囊如斗。大纍垂膝間。出則以兩手捧之。蹣跚而行。處則以矮杌乘尻尾。箕踞而坐。自隱其姓名。而述生平所爲云。家本大族。頗饒裕。少年漁色。每宿青樓。擁五六妓。作聯床之歡。又曾入蜚艇。擇蜚婦之稍有姿色者淫之。輒過十數艇而後已。因是氣虛。爲風邪所中。得疝證。屢治不效。初如柿。漸如瓜。繼如斗。遂成痼疾。家資亦蕩盡。貧病交迫。孑然一身。親故皆絕望。乃向舊所識妓借貸。始猶有應者。久之。並加白眼。不得已而效麻瘋所爲。日往妓館。蹲伏門中。強討惡索。

增

太上感應篇圖說

不履邪徑

丑丑

焉。嗟夫。斯始淫夫之獲現報者乎。客有識之者。能舉其姓氏云。

增

太上感應篇圖說

不履邪徑

丑四三



Vertical columns of text, mostly faint and illegible due to fading or bleed-through from the reverse side of the page.

昔趙抃帥蜀時。有妓戴杏花色甚麗。公偶戲曰。髻上杏花真有幸。妓卽應曰。枝頭梅子豈無媒。至晚公使一老兵呼妓。遲遲不至。公忽厲聲自呼曰。趙抃不得無禮。急令人召回老兵。老兵乃自幕後出口。某實未往。某事相公最久。相公邪徑。分毫不染。知今日之事。不過一時。此念便息耳。

附斷此將履色慾之邪徑。而轉念能持者也。夫以營妓之賤。趙公尙謂不得無禮。况其他乎。

太上感應篇圖說

不履邪徑

五十四



董公參朴家居。適直指爲公門生。監試秋闈。先時密封經旨授公。公發書亟焚之。曰。上欺君。下妨人才。吾不爲也。是年子竟中式。

附斷。此不履功名之邪徑。而正直自信者也。嗟乎。一切功名。皆不可倖致。而科甲一途。爲尤甚。是蓋天留以榮勤學之士。與積善之家者也。卽間或有之。亦買舉須當中舉年耳。觀董公之不事關節。而其子竟中式。豈非厚德之報歟。

太上感應篇圖說

不履邪徑

丑聖

不欺暗室

箋註暗室者人所不見不聞之地最易自欺於此不欺真不欺也樵談云堯行舜趨周冠孔裳恐未可以貌定使見遺金於曠途遇麗色於空室而心不爲動是堯舜返魂周孔復肉也語曰人間私語天聞若雷暗室虧心神目如電

引經大學曰所謂誠其意者毋自欺也如惡惡臭如好好色此之謂自慊故君子必慎其獨也中庸曰君子戒慎乎其所不睹恐懼乎其所不聞詩曰相在爾室尚不愧於屋漏

太上感應篇圖說

不欺暗室

丑聖六

附論關聖帝君曰人之有心如天之有日光明洞照纖悉無私至哉言乎凡人行一事起一念與其求質諸人求質諸天不若求質諸心王梅溪詩曰室明室暗兩奚疑方寸常存不可欺莫問天高鬼神遠要須先畏自家知

太上感應篇圖說

不欺暗室

丑 聖



何澄以醫著名。同郡孫子久病不愈。召澄數次。其妻引澄密說。良人久病。典賣將盡。願以此身。酬藥之價。澄正色曰。娘子胡爲及此。但安心勿憂。當爲療治。苟以此相污。不惟使我永爲小人。娘子亦失大節。縱免人責。天譴其可逃乎。其妻慚感而退。澄因假寐。恍見一神引至公署。主者曰。汝行醫有功。且不於艱急中亂人婦女。奉上帝勅。賜汝一官。錢五萬。未幾東宮得疾。詔澄一服而愈。賜官賜錢。俱如其數。

太上感應篇圖說

不欺暗室

丑異



餘姚王華。陽明先生父也。館一宦家。宦多妾無子。夜深一妾奔至。公峻拒。妾曰。此主人意也。出一帖示曰。欲乞人間子。公署其後。曰。恐驚天上神。遂辭館去。次年宦室設醮。道士拜章久不起。尋曰。適至天門。見放來春狀元榜。以此遲緩。問記名否。答曰。未見名。只見馬前綵旗上一偶聯。欲乞人間子。恐驚天上神。華果狀元及第。生陽明先生。伯爵世襲。

附斷此皆不於暗室欺人色者也。夫自有逆來順受之一語。而天下之墮于泥犁者。不知凡幾。至此心不爲奔女所動。斯無有以動之者矣。宜其榮報獨隆哉。

太上感應篇圖說

不欺暗室

丑 兕



京三郎名德。爲人忠信不欺。友人病篤。慮其子不肖。  
 密以千金付之。曰。我死。此子必蕩廢無餘。俟其將餓。  
 死時。然後與之。後其子果如父言。窮苦至極。三郎始  
 召而詰曰。爾父有產之家。何以至此。其子慚而不答。  
 三郎曰。我有微物。惠汝。恐汝又費於歌酒也。其子指  
 天誓曰。若果負君。當投以死。三郎卽取其父所遺千  
 金與之。封記如舊。其子泣曰。我父死時。但云善事京  
 公。不意今日獲此。足徵死生不變之德也。其子改過  
 修善。節儉自守。三郎三子。長仲遠。仕至宰相。

太上感應篇圖說

不欺暗室

丑辛



太師楊溥，蒲州人。父商，淮揚人，力行善事。一日有關中鹽商，急於回鄉，將千金寄公處。三年不返。公攜回家，埋花盆中。植時卉在上，遣人往關中物色之。本商已故，止有一子，不知此事。公呼至，指花盆謂曰：「此汝父所寄千金也。」其子不敢取。公曰：「係爾家物，何必辭？」其子叩謝，攜金去。後生太師，歷官吏部尚書，爲一代名臣。子俊民，戶部尚書，孫元祥，翰林檢討。

附斷：此皆不於暗室欺人財者也。夫還財已屬難事，而京公復能感悟其子，楊公兼欲撫恤其孤，蓋於還財之中，陰寓成就之意矣。世間有幾人哉。

木上感應篇圖說  
不欺暗室

丑五



後漢書王恽嘗詣京師於空舍中見一書生疾困慙而視之書生謂恽曰我當到洛陽而被病命在須臾腰下有金十觔願以相贈死後乞藏骸骨未及問姓名而命絕恽鬻金一觔營殯葬餘金悉置棺下人無知者後數年縣使恽爲亭長初到之日有馬馳入亭中而止俄大風飄一繡被墮恽前卽言之於縣縣以歸恽後乘馬到額縣馬奔走牽恽入他舍主人見而喜曰今擒盜矣問恽何由得馬恽具言其狀并及繡被主人曰向吾家被隨旋風與馬俱亡卿何陰德而致此二物恽自念有葬書生事因說之并道書生形

增

太上感應篇圖說

不欺暗室

丑至

貌及埋金之處主人驚慟曰是吾子也姓金名彥前往京師不知所在何意卿乃葬之大恩未報天以此彰卿德耳因與恽俱迎彥喪餘金具存恽由是顯名




增

太上感應篇圖說

不欺暗室

丑至



宋時周仁榮新造一房。有故人楊公道遠來借居。仁榮卽讓正室居之。及楊死於其家。篋中遺金數錠。無人知道。仁榮對衆封籍。呼其子來悉還之。仁榮後官至集賢院侍制。

增

太上感應篇圖說

不欺暗室

丑五



明劉念臺少極貧。一日同子至浴堂。拾銀一袋。遂托  
故候之。次早有人慌張而至。言爲商八年。拋離父母  
妻子。積銀三百兩。昨日遺忘在此。若不得。無以還鄉  
矣。劉審其的實。還之。其人欲分半爲謝。劉不受而歸。  
或笑其窮骨。不能擔財。劉曰。人生財利有定數。若藏  
匿人物。暗裡必要折福。况尋而不得。或急尋短見。或  
流落難歸。關係不小也。衆始歎服。一夕夢神告曰。爾  
壽本將盡。今以還金之故。特延爾壽。錫爾科名。後果  
父子同科。享壽九十餘。

增

太上感應篇圖說 不欺暗室

丑五



莆田有表兄弟二人同學甚厚。甲貌醜而富，乙貌美而貧。甲求繼室於富家，必欲觀壻始允。甲懇乙代往。富家許之。將婚，又欲親迎。復懇乙往。方至，天忽大雨，而隔嶺難行。乃止壻宿。乙謙讓至再，又不敢明言取辱。而富家恐失吉期，卽欲成禮。乙固辭不聽。及寢，不敢解衣。坐達旦。次日雨益甚。乙坐處不安，至廢飲食。晚仍留宿，復不敢近。女父母方怪異之。第三日，迎至甲家。甲怒奔告於縣。縣令雷應龍鞠之。乙泣訴真情。雷公察知其實，乃謂甲曰：汝妻旣同彼宿，義不可歸汝。汝不患無妻。又謂乙曰：子爲人不欺。天以是女畀汝。聘金吾代償也。乃以三十金與甲。而令乙爲夫婦。乙之委曲狗甲，意必受惠於甲者不淺。故情誼不能辭。以聖賢之道斷之，是謂坤道勝而乾道少者。大有違於剛健正直之自持。然就其忠誠切至，則誠可云盡心謀人事者矣。其生平之篤厚，概可想見。天作之合，豈偶然哉。

增

太上感應篇圖說

不欺增至

丑丑

十一

增

太上感應篇圖說

不欺暗室

丑五



范文正公讀書長白寺。偶掘地得金一窖。急掩之。告主僧曰。吾若得第。當修此寺。及爲西帥。僧使其徒謁之。公無所助。但贈書一封。啟視之。內云。殿後某處有金一窖。如言發之。得銀四萬二千餘兩。僧用以修寺。餘者造橋。名范公橋。示不忘本也。後公入相。所得俸銀。適符所窖之數。

增

太上感應篇圖說

不欺暗室

丑五

積德累功

箋註太上立德其次立功存諸心曰德見諸事曰功自少至多曰積自卑至高曰累所云一千三百善又曰三百善原非一毫可至是必閔閔然如農夫之望歲汲汲然如商賈之求財時時精進則道心生情心退矣昔宜興吳頤山無子有李生獻種子方曰方今歲荒殆天假公以會也乃列數事一貧民錢糧有欠數不滿一兩而賣妻鬻子以完者代爲完納二每遇荒歉之年其糧食貴糴賤糶賑給貧民尚有不及者復設粥濟之三普施應驗湯

太上感應篇圖說

積德累功

丑五

藥救人疾苦四施棺木周給無力津送之家五女使長大不計身錢量給衣資聽其適人六專一戒殺救護衆生遇有飛走物命買贖放生七見有寺觀損壞者爲修理之聖像剝落者爲裝飾之或橋梁道路溝渠不通者咸爲整治八族屬姻黨以及相知故舊有貧不能贍者時常餽遺周其困乏九有遠鄉之人客旅流落者酌量遠近助以裹糧保全還鄉十不論居官居鄉凡遇枉抑必與辨明每推己及物濟困扶危鋤強扶弱吳公欣然行之後


連舉三子皆登第

引經論語曰。子曰。譬如平地。雖覆一簣。進吾往也。  
易曰。善不積。不足以成名。

太上感應篇圖說

積德累功

丑六十一



宋竇禹鈞。燕山人也。先爲五代時諫議。年三十無子。夢其父曰。汝宜早修實行。緣汝無子。又無壽耳。禹鈞唯唯。鈞爲人素稱長者。先有家僮盜用錢二百千。慮事覺。有女年十二三。自寫券繫女臂云。永賣此女於本宅。償所負錢。自是遠遁。鈞見而憐之。卽焚券。囑其妻善撫之。及笄。爲之擇良配。使得所歸。復贈錢二百千。其僕聞之。感泣。還而戴罪。又有元夕在延慶寺得遺金二錠。銀數十兩。持歸。明旦至寺。候失主還之。其人得以贖父罪。又同宗外姻有喪不能舉者。出錢葬之。凡二十有七。有女貧不能嫁者。出錢嫁之。凡二十

太上感應篇圖說

積德累功

丑空

有八。故舊相知。有窘困者。隨多寡貸之。使之貿易。由公活者。數十家。四方賢士。賴公舉者。不可勝數。又於宅南建書院四十間。聚書千卷。禮文行之儒爲師。凡四方寒士。苟有志於學者。不問識與不識。皆供給之。公每歲量所入。除伏臘供用外。皆以濟人。家惟儉素。無金玉之飾。無衣帛之妾。後復夢其祖父謂曰。汝數年來積累陰德。已名挂天曹矣。上帝特延壽三紀。五子貴顯。後果有五子八孫。皆登顯秩。公享壽八十有



太上感應篇圖說

積德累功

丑全

太原文肅公王錫爵號荆石。明神廟首輔。雖貴顯。終身不二色。其立朝鼎望。建儲元勳。載在國史。茲畧紀者。居鄉一二逸事也。公與人謙恭溫厚。獨御下以嚴。好朴素。不許僕衣紈綺。或僕輩與人爭毆。進前虜愬。公必曰。相府一犬。人猶另眼視。况人乎。必先責僕。公好植菊。多至千餘本。偶一里人向園丁乞菊。丁曰。明日來。明日人入園。適公低頭對菊坐。其人不知。驀拍公背曰。老伯伯。昨許我菊花。咏公擡頭。人驚仆。公慰諭曰。莫驚莫驚。令園丁取幾本送出。其厚德如此。梵宇無大小。皆書額護持。晚年命工以金銀汁畫大士像。手書心經在上。施人供養。不記數。子緱山先生諱衡。亦榜眼。孫奉常。煙客翁。諱時敏。增修世德。儉歲首倡糶官米。兼煮粥濟民。請瓶窰聞谷大師至。婁創興佛法。孝廉陸允升。字子就。夢至一大寺。六人挑豆至。黃豆中雜以蠶豆。老僧曰。此皆煙客翁前生所積善業也。大善記一蠶豆。小善記一黃豆。凡六擔。子就遍告人。無不知者。令子九人。次子揆。第八子揆。次房孫原祁。皆進士。一門厚德榮盛未艾。



太上感應篇圖說

積德累功


丑六

宋時有人于京師見一靴。是其父葬時物。詰之舖翁曰。一官人攜來修整。可候之。有頃至。果其父也。拜之不顧。但取靴乘馬去。隨之一二里。力顛。乃呼曰。生爲父子。何無一言相教。父曰。汝但學葛繁足矣。時繁爲鎮江太守。其子謁之。因問何以見重幽冥。繁曰。吾始者日行一利人事。或二或三。或至十數。今四十年未嘗少廢。又問何爲利人事。繁指坐櫬曰。此物置之不正。則觸人足。吾爲正之。若人渴。與之杯水。皆利人事也。自卿相至乞丐。皆可行。惟行之悠久。乃有利益耳。

太上感應篇圖說

積德累功

丑五



焦公東京人三世乏嫡嗣遂爲商旅遍訪至人問其因果見一老僧甚異因問之僧曰先積累功德後養其身三年後至五臺山當授異方言畢不見焦公自遇老僧後時時行方便作陰功施恩布德者三年竟往五臺訪老僧數日不見忽見行童手持一卷言曰老僧傳語大夫功成行滿回家合藥志誠服之必有富貴子孫於是生焦員外員外養子又不肖自恨何損德若是又往五臺仍見行童曰老僧傳語何必來問但依汝父所行則愚者自賢貧者自富矣員外曰貧者得富自是命也愚者性之本然豈能返賢乎行童曰昔竇氏五子初生皆不全形自後行恩布德悉皆安愈況且盡登科第彰彰不爽也員外謝歸奉行其語二十年後多嗣且貴焉

太上感應篇圖說  
積德累功

丑全



太上感應篇圖說  
卷之五  
積德累功

五

五

五


五

徐太師立齋。己亥狀元。健菴庚戌探花。彥和癸丑探花。同胞三及第。從來所未有也。人稱爲世德之報。其五世祖某爲虞山巖文靖公記室。時三吳大水。公具蔬草。請賑饑。文靖猶豫未肯上。欲筮之。公屬卜者第曰吉。乃請于朝。全活數百萬人。

太上感應篇圖說

積德累功

丑亥



商文毅公輅父爲嚴州府吏。平生周人之急。濟人之危。容人之過。憫人之孤。積善好施。人多稱其隱德。公謙讓不居。在吏舍。常勸羣吏奉公守法。不可舞文害人。吏皆聽命。諸縣囚解府者。公委曲申救。多所全活。一夕。太守遙見吏舍有光。踪跡之。非火也。次日問羣吏。家夜來有何事。對曰。商某生一子。太守異之。語其父曰。此子必貴。彌月抱來一看。太守驚愕。命張黃羅傘。送至公廨。後舉三元。入內閣。

太上感應篇圖說

種德累功

丑充




薛玠字藩卿。宏治壬戌舉進士。先一月時夢其父同二老。一身半小。一身絕小。同聲謂藩卿曰。你只說中舉中進士容易。先要考我們陰騭。途間受了多少辛苦。方得汝榮顯。吾兒當積德以遺子孫。玠問二老爲誰。爰指曰。半小者汝祖父也。絕小者汝曾祖也。玠醒爲人述其語如此。

附斷合而觀之。今人不肯行善。動云做好事。那得有錢使。豈知積德累功。有不必皆用錢者乎。若燕山諸公之所爲。而積厚流光。操若左券。人亦何憚而不爲耶。

太上感應篇圖說

積德累功

丑五



趙樂耕富而好善。凡親友貧不能業者。卽捐貲助之。有某生者。家貧好學。延之與子同學。書籍衣服皆出於已。一日往山東販壽木。值歲疫多病。故者遂盡。所販與人空身而返。又前某生以同學之力。得中爲州守。迎樂耕至任。贈金二百。不受。強而後可。因謂守曰。我欲獄中一看。至則詢問罪人。某某欠贓未完。某某追贖無納。罄所得銀助之。俱得出獄。趙後享壽百餘歲。子孫多顯達。夫方便人事。好善者無往不爲。雖損於己。不惜。乃無損者。而猶不肯。豈惟涼德已極。抑亦種覺實深。人怨天譴。交集之矣。吁。是何心哉。

增  
太上感應篇圖說  
積功累德  
五十五



王榮家資頗厚。年五十無子。雙目常病。遂發願力行善事。每夜點天燈於要路。又置小燈籠百餘枚。遇黑夜遠歸者。則給之。天雨。則施草履雨傘。如是不倦。目疾頓除。妻妾各生一子。聰明穎異。俱成進士。

增

太上感應篇圖說

積功累德

丑至



國朝吳志廉餘杭人。遇歲荒曰：此有力者，極好積德機會也。遂倡捐設廠施粥，施棺廣埋餓殍。又出米數千石，借與貧人。曰：此時借貸無門，我不借之，誰借之者？約秋後償還。是秋又荒，竟無一人償者。僅存借契滿篋，家資一空，窘甚。至次年秋收，親友勸之曰：子今若討取舊欠，可得二千餘金，何自甘受苦也？公曰：貧人經大荒後，命稍甦，何忍逼索？徒令吾子與僕日多煩擾。萬一急極生變，其為損德也多矣。遂將票契盡焚之。終身不復問。子世雍登進士。今世盤放重利，刻剥窮民，雪上加霜者，尚亦稍寬一步哉。

增

太上感應圖說

積功累德

丑五



嚴封翁匡山先生之父也。世居宜良。業儒兼通醫理。家小康。年四十尚無子。與其妻誓行方便。以求嗣。一夕值隆冬。聞人聲喧嘩。啓門覘之。忽一人竄入其家。祈救。後五六月人持械追捕呼捉賊。封翁閉門。人察其人。知爲隣村黃某。叩其故言家貧不能自給。行竊某家。被逐乞救。封翁知其人不爲匪。給以飲食。次晚置酒語之曰。以汝之才力。足謀衣食。何不改行作人。黃某以無資告之。封翁出銀捌兩。棉祆一件。與之。加以勸勉。遣之。黃某感泣謝去。越三年餘。黃某負一布袋至封翁家。云自得銀後。赴銅廠經營。衣食頗足。茲

增

太上感應篇圖說

積德累功

丑吉

以芝蔴數升表其意。封翁受之。黃某辭去。次日其夫人啟布袋。芝蔴內藏銀六百兩。欲還之。黃某不知何往。越數月。封翁語夫人曰。我家計尚足。又得此項銀。無子留之何爲。因開一藥舖。貧者治病取藥。不計其貲。遇極貧而失調理者。於藥包內攪銀數錢。或一兩。語病人曰。吾藥須細檢。方有效。貧者檢藥得銀。以資調養。活者甚衆。有得銀奉還者。封翁不認其事。如是者有年。一年值二月十九日。其夫人赴觀音寺行香。求嗣。是夜夢老僧携一子。授之曰。以此爲汝子。夢覺疑之。時夫人已四十六矣。遂有妊。屆期生一子。卽匡

山先生越三年。又生一子。匡山先生丙午丁未聯捷  
進士。入翰林。由京察升蘭州道。嘉慶初升甘肅藩司。  
其弟癸卯甲辰連登進士。入詞垣。子孫科甲不絕。同  
治十年。尚有爲顯宦者。非封翁積累活人之報歟。

增

太上感應篇圖說

積德累功

丑七五



朱坎泉者。錢塘諸生。客遊他省。有某官延課其子。見其居民。不知惜字。糊窗抹桌。踐踏穢污。惡習相沿。恬不爲怪。乃力勸居停。捐貲收買。或有不潔之紙。必手自洗滌。焚之。逢人勸諭。竟移其俗。不數年間。所收之字。以百億萬計。及其歸也。長子名瀾。以嘉慶丁丑成進士。入翰林。次子瀛。亦以某科登鄉薦矣。夫一人惜字。爲善有限。能使人人惜字。則其善大矣。宜其獲報之隆也。

增

太上感應篇圖說

積德累功

丑七



吳鳳崗五十無子。蓮池大師勸其行善。吳曰。吾貧不能行善。師曰。爲善不在貧富貴賤。宰相日日有可行之善事。乞丐亦有日日可行之善事。只要心好。力行不怠耳。功過格上有許多不費錢的善事。爾可受持。爾教書一年。所得不過十餘金。用度自然不足。爾能持齋戒殺盡心教學。不誤人家子弟。得閒念念彌陀。出門見字紙米粒拾起。瓦礫瓜皮踢開。蟲蟻須當愛護。出恭沐浴。要避天光。遇衰老殘疾乞丐。卽施一文二文錢。合半合米。口中時時說因果報應好話。勸人爲善。今當荒疫之年。正是寶山取寶之時。宜多抄

增

太上感應篇圖說 積德累功

五七六

寫救飢方。治疫方。廣貼通衢。教人修合。勸人施助。此皆貧人可行之大善事。與富貴之人。大佈施千萬金兩無異也。鳳崗遵師訓。力行不怠。後享壽八十歲。康健無疾而終。生四子。二登甲榜。今爲江干望族。

寫書一手。不取分文。十餘金。取自然。不取分文。

善事。不取分文。不取分文。不取分文。

善事。不取分文。不取分文。不取分文。

善事。不取分文。不取分文。不取分文。

慈心於物

箋註慈者萬善之本。卽仁心也。誠欲積德累功。不獨愛人。兼當愛物。大凡殺機一動。必非享福長壽之徵。卽人家小兒頑戲。凡蠅蝶鳥雀之類。宜禁戒。非惟傷生。且熾其殺心。長大不知仁恕。昔程伊川在經筵。聞上盥。噴水避蟻。他日進曰。願陛下推此心。以及天下。由是觀之。解網之恩。斷罟之諫。其心一也。

引經孟子曰。親親而仁民。仁民而愛物。

太上感應篇圖說 慈心於物

五十七



宋蔡襄喜食鶉。一夕夢褐衣老人告曰。來日受害。從公乞命。襄問是誰。卽誦詩云。食君數粒粟。充君羹中肉。一羹斷數命。下箸猶未足。口腹須臾間。禍福相倚伏。願君戒勿殺。死生如轉轂。覺而異之。詢廚中有黃鶉數十。遂放之。經夕復夢老人曰。從公得生。謹爲公禱上帝。注公高爵矣。襄遂舉進士。擢知諫院。歷端明殿。贈吏部侍郎。諡忠惠。

太上感應篇圖說

慈心於物

丑五



李進勅以販河市魚爲業。一日宿三山浦。月色如晝。進勅聞船內有千萬人誦經聲。察之則魚也。悉放諸江。囑曰。諸魚旣通佛性。他日我若困苦。敢乞方便。由是改業。販鬻荻薪。數年間作大筏。載薪于金陵。貨之江中。值大風。簾筏一時漂散。惟進勅足下如有所履。乃颯竹數竿。若有物拽之。以行者。得棲洲渚。更已深矣。愁悶洒淚。忽見荻叢中有光。進勅以手摸之。獲金二斤。袖入懷中。俄見一白衣人向波心湧立。謂曰。今日得存性命。且獲多金。乃汝昔日所放諸魚。各來報恩也。言訖不見。

太上感應篇圖說

慈心于物

丑九



長洲韓太史世能。世居陸墓。甚貧。祖永椿。每早起持  
帚。掃兩岸螺螄。緣岸而上者。以入中流。脫漁人之取。  
有時楊腹。掃及數里。丁卯年。太史赴鄉試。夢神告曰。  
汝祖父功德大矣。當令汝入翰林。官至一品。後仕遷  
侍郎。奉使朝鮮。賜一品服。

太上感應篇圖說

慈心于物

丑八



康熙辛丑會魁湯公諱聘江甯人素禮敬大士一日  
病垂絕見地下主者言其戲傷物命多意惡將置之  
獄忽見一人奉大士命導之出過鳳凰臺諸地卽平  
日所經行處也至家見尸僵臥骨有腐者大士以柳  
枝續其骨徧灑甘露水遂冷然若夢覺梓其事以示  
人。

附斷莫尊惟天止曰好生人能體之以及於物則仁  
術全而心與天通矣是以功名福壽可悉致而疾苦  
瘟疫可消除也合觀數事慈心之訓其可忽諸。

太上感應篇圖說

慈心於物

丑上



晉書孔愉嘗行經餘不亭見籠龜於路者愉買而放之溪中龜中流左顧者數四後以討華軼功封餘不亭侯印工鑄侯印而印龜左顧三鑄如初印工以告愉悟乃佩焉愉後爲鎮軍將軍。

增

太上感應篇圖說

慈心於物

丑全



楚國孫叔敖常出遊。見兩頭蛇殺而埋之。比歸。憂而不食。母問其故。泣對曰。兒聞見兩頭蛇者必死。今兒見之。恐棄母而死也。母曰。蛇今安在。曰。恐後人又見。已殺而埋之矣。母曰。無憂。吾聞有陰德者。必獲善報。汝必興於楚。後果爲令尹。執楚政。○殺龜打蛇。乃太上所戒。若蛇之害人者。殺之。又是功德。此合上救蟻句。乃廣行陰騭。福及己身之報。

增

太上感應篇圖說

慈心於物

丑三



福州省城舊俗凡同文課之友人遇有入泮登科者例須捐喜金若干稱家之豐嗇以爲同會被黜者聚飲解悶之資所謂會例也被黜者當新貴簪挂前後之間將此捐金覓一清曠處所羣萃暢飲藉消抑鬱之懷故俗又謂之避氣侯官陳星垣經郡丞嘗言其昔年應童試不遇赴西湖書院會例之讌偶閒步出院門見有牽牛者以牛不肯前行鞭撻不已郡丞就近往視牛淚涔涔下知其將牽往屠所爲之惻然問其值曰十五緡乃退而與座中諸友議曰例金尚有贏餘何不以買牛放生同諸君作一陰德事乎中有

增

太上感應篇圖說

慈心於物

丑金

不樂從者謂若此便無消遣之資矣郡丞諭之曰此事頗闕陰騭消遣不過一時若愁簪挂日無讌聚資我當獨治具願諸君子舍間小酌可乎衆不得已應允乃將牛價交割送牛至西禪寺放生並將餘金付僧人囑其隨時照料歸卽謀諸閨中典衣飾爲簪挂日宴飲之費以踐前言次年郡丞卽入泮旋登鄉薦由大挑知縣升海門司馬加知府銜權守蘇州云

增

太上感應篇圖說

慈心於物

丑五




杭州婦人某氏。素寬悍。遇蟻循行厨竈。輒用火燒之。死者不可勝計。又常以石灰填蚯蚓穴。後生一子。方懷抱。婦偶出外。歸見牀上一黑團。驚視之。則其子也。已爲羣蟻攢嚙而死。婦痛兒亦暴卒。

增

太上感應篇圖說 慈心於物

丑全六



晉書武昌軍人。有於市買得一白龜。長四五寸。養之漸大。放之江中。及郟城戰敗。溺死者六千人。養龜人被鎧持刀。投於水中。如覺墮一石上。視之。乃先所養白龜。長五六尺。送至東岸。遂得免焉。

增

太上感應篇圖說

慈心於物

丑七



長洲人韓全。暑宰販賣爲生。每宰猪卽灌以水。賣大  
活魚。必擊碎其首而亦灌以水。鷄鵝鴨之類。強將糠  
砂填塞入喉。圖重觔兩。傷戕物命甚慘。全患翻胃症。  
不能飲食。惟咽以土泥。隨復吐出。遍體流黃水。穢臭  
不可當。且頭疼如碎。如此三月乃死。毒害諸物之報。  
不爽毫髮。

增

太上感應篇圖說

慈心於物

丑采




王五隋時京師酒工。每見酒內及水中死蠅。輒取出用乾灰掩之。俟其活。放焉。如此數年。偶被誣告。罪當死。典刑官執筆書判。有數蠅抱筆頭。不能書。遂去復來。如是數次。官疑其有冤抑。以其事白於朝。罪遂釋。

增

太上感應篇圖說

慈心於物

丑六九




張奎。宋時錢塘人。幼持鮮魚一籃。就溪邊破之。魚跳躍。奎因撲捉。悞傷手指。痛不可忍。因曰。我傷一指。如此痛甚。魚遭烹割。其痛如何。將魚盡放溪中。自此不復殺牲。後生一子。其晚夢有人饋一大魚者。子登進士。爲永州太守。累世富貴不絕。

增

太上感應篇圖說

慈心於物

丑十



吳門周生存。喜放生。每一次放生。輒以一小詩紀之。嘗因放大鯉魚作詩。末句云。倘若從龍去。還施潤物功。頗得意。後入鄉試。詩題爲白雲向空盡。詩成苦結。語意不佳。忽憶自作放生詩。因以末二語作結。主司嘉賞。遂中式。

增

本感應篇圖說

慈心於物

丑卒



楚中近山之家多以打生爲業。有李敬業者獨行好善。事無大小不利於人物者不爲。見鄉人網取禽鳥卽買放之。衆笑其迂。一日晨起出門見無數鬼卒手執黃旗相謂曰除李敬業家餘者挨家並插之。是夕火起一村並遭回祿。惟李宅安然無恙。

增

太上感應篇圖說

慈心於物

丑至



江陵郭暉性愛物類。地有惡少。每至夏。買藥藥魚。藥名雷公藤。傾汁上流。一二十里內。魚鰕之類。大小盡斃。卽螺蚌亦皆盡死。暉歷年買此藤焚之。曰。我力不能救物。惟焚此。亦可稍全數百萬生命耳。享年九十有六。二子。一禮部尙書。一都御史。七孫俱登科甲。

增

太上感應篇圖說

慈心於物

丑叁



徽州高懷中業鱖麪日殺鱖數千一婢憫之每夜分竊缸中鱖從後窗拋入河如是積年一日高店被焚婢逃出爲火所傷困臥河濱夜深睡去比醒而火瘡盡愈視之瘡處堆汙泥而地有鱖行迹始知向者所放之鱖救之也高感其義遂罷業

增

太上感應篇圖說

慈心於物

丑九



會稽陶石梁。張芝亭。同過大善寺。見鱗魚數萬。陶謂張曰。我欲買此放生。奈力不足。願兄爲倡。募衆成之。如何。張慨諾之。自出銀一兩。募衆奏成八兩。盡買而放之。至秋。夢神告之曰。汝本未得中。緣放生功大。得早一科。放榜。陶與張皆中式。

增

太上感應篇圖說

慈心於物

丑九五



李恂爲浙江令。一夕請呂祖降筆。問明日有何事。其  
乩曰。日光未出滿天紅。震地災臨百室空。莫怪南陽  
人脫難。陰功全在鐵爐中。次早東街大火。延燒百餘  
戶。居中有許家獨免。恂思東街震地也。南陽許姓也。  
傳來問彼有何鐵爐。能積陰功。許對曰。每墳前燒紙  
盛鐵爐內。不在地上。春秋恐昆蟲燒死。冬月恐蟄蟲  
炕死。行之甫十年。不謂神見佑也。恂旌獎之。後邑人  
燒紙。皆知用爐。無復有燃火在地者。

增

太上感應篇圖說

慈於物

丑矣

此書... 太上感應篇圖說... 增... 丑矣... 此書... 太上感應篇圖說... 增... 丑矣... 此書... 太上感應篇圖說... 增... 丑矣...

